



Broj: 09-04-5-1068//26
Sarajevo, 26.01.2026. godine

U skladu sa članom 70. Zakona o javnim nabavkama BiH ("Sl. glasnik BiH", br. 39/14, 59/22 i 50/24), Zapisnikom o pregledu i ocjeni ponuda, broj: 08-11-15-662-1/26 od 20.01.2026. godine i Preporukom Komisije za javne nabavke, broj: 08-11-15-662-2/26 od 20.01.2026. godine, a na osnovu člana 18. stav 1. Pravilnika o javnim nabavkama Fonda za profesionalnu rehabilitaciju i zapošljavanje osoba sa invaliditetom, broj: 01-02-2-10558/24 od 11.09.2024. godine, Upravni odbor Fonda za profesionalnu rehabilitaciju i zapošljavanje osoba sa invaliditetom na 87. elektronskoj sjednici održanoj dana 26.01.2026. godine d o n o s i

O D L U K U
o izboru najpovoljnijeg ponuđača
Agencija za zaštitu ljudi i imovine "SWORD SECURITY" d.o.o. Sarajevo

I

Prihvata se Preporuka Komisije za nabavku, broj: 08-11-15-662-2/26 od 21.01.2026. godine u postupku nabavke usluga fizičke i tehničke zaštite poslovnih prostorija iz Aneksa II Zakona o javnim nabavkama, i Ugovor za javnu nabavku usluga fizičke i tehničke zaštite poslovnih prostorija dodjeljuje se ponuđaču **Agencija za zaštitu ljudi i imovine "SWORD SECURITY" d.o.o. Sarajevo ponuda br. 1, dostavljena dana 19.01.2026. godine, za ponuđenu cijenu od 54.774,00 KM (bez PDV-a), kao najpovoljnijem ponuđaču.**

II

Izabrani ponuđač je dužan u roku od 5 (pet) dana od dana dostavljanja ove Odluke dostaviti originale ili ovjerene kopije dokumenata predviđenih članom 45. Zakona o javnim nabavkama, pobliže navedenih u tački 3.1. Javnog poziva.

III

Prijedlog Ugovora o javnoj nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada svi ponuđači koji su učestvovali u predmetnom postupku nabavke budu obaviješteni o izboru najpovoljnijeg ponuđača.

IV

Ova Odluka stupa na snagu danom donošenja i objavit će se na internet stranici Fonda, istovremeno s upućivanjem iste svim ponuđačima koji su učestvovali u predmetnom postupku javne nabavke, u skladu sa članom 70. stav. 6. Zakona o javnim nabavkama.

OBRAZLOŽENJE

Postupak javne nabavke je pokrenut Odlukom o pokretanju postupka javne nabavke broj: 01-04-5-15235/25 od 19.12.2025. godine. Javna nabavka je provedena putem postupka za dodjelu ugovora za usluge iz Aneksa II Zakona o javnim nabavkama. Procijenjena vrijednost nabavke iznosila je 75.000,00 KM (bez PDV-a).

Obavještenje o nabavci usluga iz Aneksa II je objavljeno na portalu javnih nabavki 07.01.2026. godine pod brojem 175-9-2-8-22-8/26.

Javni poziv preuzelo je 7 (sedam) privrednih društva.

Krajnji rok za prijem ponuda bio je: 19.01.2026. godine do 09:00 sati.

Komisija za javnu nabavku formirana Odlukom o imenovanju komisije, broj: 09-04-5-15236/25 od 19.12.2025. godine i Odluke o izmjeni i dopuni odluke o imenovanju članova Komisije, broj: 09-04-5-501/26 od 15.01.2026. godine, (u daljnjem tekstu: Komisija), pristupila je javnom otvaranju ponuda 19.01.2026. godine u 12:00 sati, konstatovala da su sve zaprimljene ponude blagovremene o čemu je sačinila Zapisnik o otvaranju ponuda, te kopiju istog dostavila ponuđačima u skladu sa članom 63. stav 6. Zakona.

U skladu sa provedenim postupkom javne nabavke, ponude su dostavili sljedeći ponuđači:

Redni broj	Naziv i sjedište ponuđača
1.	Agencija za zaštitu ljudi i imovine "SWORD SECURITY" d.o.o. Sarajevo, ul. Alipašina br. 83, Sarajevo;
2.	Agencija za zaštitu ljudi i imovine „SEC ONE“ d.o.o., ul. Bačići br. 3, Sarajevo;

Nakon izvršenog otvaranja ponuda, Komisija je pristupila analizi dokumentacije priložene uz ponude u smislu provjere njihove validnosti s obzirom na iskazane zahtjeve Ugovornog organa u Javnom pozivu, odnosno vrednovanju ponuda u skladu sa procedurama i pravilima utvrđenim Javnim pozivom, te Zakonom o javnim nabavkama BiH, odnosno pripadajućim podzakonskim aktima. Javnom otvaranju prisustvovao je predstavnik ponuđača Agencije za zaštitu ljudi i imovine „SEC ONE“ d.o.o.

Nakon što je provela postupak provjere kvalifikacije ponuđača i ocjene ponude na zatvorenoj sjednici, Komisija je izvršila pregled i ocjenu ponude i utvrdila da ponude ponuđača ispunjavaju sve uslove propisane Javnim pozivom.

Konačna rang lista ponuđača koji su učestvovali:

Redni broj	Naziv i sjedište ponuđača	IDB/JIB	Cijena u KM bez PDV-a	Rang
1.	Agencija za zaštitu ljudi i imovine "SWORD SECURITY" d.o.o. Sarajevo, ul. Alipašina br. 83, Sarajevo;	4200445860003	54.774,00 KM	1
2.	Agencija za zaštitu ljudi i imovine „SEC ONE“ d.o.o., ul. Bačići br. 3, Sarajevo;	4227417480004	61.911,00 KM	2

Nakon izvršenog pregleda i ocjene ponuda, Komisija je dostavila Upravnom odboru Fonda za profesionalnu rehabilitaciju i zapošljavanje osoba sa invaliditetom Zapisnik o pregledu i ocjeni ponuda broj: 08-11-15-662-1/26 od 20.01.2026. godine i Preporuku o izboru najpovoljnijeg ponuđača broj: 08-11-15-662-2/26 od 20.01.2026. godine -Agencija za zaštitu ljudi i imovine "SWORD SECURITY" d.o.o. Sarajevo sa registrovanim sjedištem u ulici Alipašina br. 83, Sarajevo, ID: 4200445860003 za predmetnu nabavku, sa ponuđenom cijenom od 54.774,00 KM bez PDV-a, odnosno 64.085,58 KM sa PDV-om.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda shodno kriterijima iz Javnog poziva, te da je izbor izvršen u skladu sa Zakonom o javnim nabavkama, podzakonskim aktima i Javnim pozivom.

Uzimajući u obzir naprijed navedeno, odlučeno je kao u dispozitivu ove odluke.

Pouka o pravnom lijeku:

Protiv ove Odluke svaki od ponuđača koji je učestvovao u postupku nabavke može izjaviti žalbu Ugovornom organu u pisanoj formi u roku od 10 (deset) dana od dana prijema ove Odluke.



PREDSJEDNIK UPRAVNOG ODBORA

Dr. Senad Pešto

Dostaviti:

- Upravnom odboru
- Ponuđačima (2X)
- Sektoru finansijskih i računovodstvenih poslova
- Službi za javne nabavke i informacione tehnologije
- a/a

